

## ANKETA O STRUČNIM ISPITIMA

Uskoro treba da izadje Uredba o polaganju stručnih ispita za sve struke. Na osnovu te Uredbe svako stručno tijelo priredit će Pravilnik o polaganju stručnih ispita.

Na stari Pravilnik i uopšte na stari sistem polaganja stručnih ispita, bilo je mnogo primjedbi.

Da navedemo samo neke probleme i da postavimo neka pitanja, ne postavljajući alternativu da li smo uopšte za stručni ispit ili ne, i uzмимо da je neophodno neko dokazivanje stručne zrelosti nakon napuštanja školskih klupa i rada u praksi.

Ovo pokrećemo u želji da dobijemo mišljenja drugova koji su već polagali stručni ispit, kao i onih kojima predstoji takvo polaganje, pa da na osnovu takvih mišljenja i naš Savez GiG-a BiH utiče svojim stavovima na formiranje novog Pravilnika.

Pitanja postavljamo bez nekog prioriternog reda:

1. Ko će i kako finansirati polaganje jednog ispita?
  - a) Kandidata koji napušta radnu organizaciju za izvjesno vrijeme
  - b) Ispitivačku komisiju
  - c) Instrumentarij neophodan za izvodjenje rada, pribor, signalisanje, radnu snagu i dr..
  - d) Poligon za izvodjenje radova.
2. Kakav sastav ispitne komisije?
  - a) Da li samo predstavnici Geodetske uprave
  - b) Ili i predstavnici fakulteta i škola
  - c) I predstavnici zainteresovane radne organizacije.
  - d) I predstavnici Saveza GiG-a
  - e) Ili samo jedni od predstavnika pod b), c) i d).
3. Koji predmeti da budu sadržani i na što baciti prioritet?
  - a) Praktični
  - b) Teoretski dio ispita
4. Koje bi bilo najprikladnije doba godine za polaganje i da li samo jedan rok ili više rokova godišnje?
5. Zs one koji su polagali koliko je polozeni ispit imao uticaja na daljni rad u službi?

6. Kakva vrsta zadatka - da li klasičan tip zadatka ili zadatak koji se uklapa u posao radne organizacije?
7. Ukratko - šta bi sve željeli novo , odnosno da se izmijeni staro u Pravilniku za polaganje stručnih ispita?

Pozivamo članstvo da uzme učešća u Anketi i svoje pismene odgovore dostave na adresu: Viša geodetska škola - Sarajevo, Vojvođe Putnika 10/III.

## OBAVIJESTI

### SAVJETOVANJE U SPLITU

Savez geodetskih inženjera i geometara Jugoslavije na svom sastanku održanom u aprilu mjesecu ove godine, odlučio je da održi savjetovanje na temu "Katastar podzemnih uređaja".

Imajući u vidu značaj samog savjetovanja Savez se obratio drugovima Joži Senčaru, direktoru Zavoda za izmjeru i katastar zemljišta u Ljubljani i Iliji Živkoviću, profesoru Građevinskog fakulteta u Beogradu, koji već dugi niz godina proučavaju i sprovode u djelo registrovanje podzemnih instalacija, da pripreme tezu za osnovni referat.

Organizaciju samog Savjetovanja prihvatila je podružnica GIG-a iz Splita, a isto bi se održalo u mjesecu oktobru ove godine.

Ovim putem želimo da obavijestimo naše članstvo da se po mogućnosti odazovu u što većem broju ovoj stručnoj manifestaciji posebno iz razloga što je to nova materija koja stvara širok djelokrug rada, koju treba da zahvate organi nadležni za geodetske poslove u komuni.

### GEODETSKI ZAVOD

Na sjednici Izvršnog vijeća SR BiH održanoj 1.VI 1967.godine odlučeno je da Savez GIG-a BiH delegira jednog predstavnika u organ upravljanja Geodetskog zavoda.

Ispred Saveza GIG-a BiH delegiran je Lukić Ing.Vladimir.